

# ब्रज-यात्रा विवरण

बीकानेरी भाषा

सं० १७१३



सं० १७१३ की ब्रज-यात्रा का एक महत्वपूर्ण विवरण

श्री गोवरधन नाथ जी रै दुवारे इये<sup>२</sup> जिनस श्री ठांकुरां री आरती दरसण हुवे छै, ने इये जिनस भोग लागे छै ।

१. परभात मंगला आरती हुवे, ताहरा मांखण सा, बूरो से० ५ आरोगे ।

सं० १७१३ आसोज सुद १३ परभात सुदरसण कीयो ।

२. संगार दन<sup>३</sup> घड़ी चार चढ़िया हुवं, दरसण हुवं, आरती ने न ई ने श्री ठाकुर मेवो पकवान चारोली भोग लागे । मेवो सा हेक ।

---

१. 'गोवर्धन जी' से लेखक का अभिप्राय भगवान् श्री नाथ जी से है । २. ये । ३. दिन ।

३. गोपीबल्लभ भोग लागे, पकवान मठड़ी पूड़ी आरोगे । दरसण नं हुवै । श्री ठाकुरां नुं पकवान भाबा<sup>१</sup> ; २ भाभा<sup>२</sup> भोग लागे ।
४. गुवाल रो दरसण हुवै, ने श्री ठाकुर घिरत दूध भुग भुगो आरोगे ।
५. राज भोग आरती हुवै, श्री ठाकुरां नुं सरब भोजन, छत्तीस भोजन, सगला पकवान खटरस, तीवणं<sup>३</sup>, खीर, सिखरण, तरकारी अथांणा, घंणा मिष्ठान पकवान भोग लगें ।
६. संख नाद उत्थापन दरसण हुवै, श्री ठाकुर मिठाई, लाडूवा, पकवान, मिठड़ी, सकरपारा आरोगे, से ॥ रे टांणे, भाभा ।
७. भोग सरीरो दरसण हुवै । श्री ठाकुर दुध, मिस्री, बूरो आरोगे ।
८. संख्या आरती हुवै । श्री ठाकुर दूध पकवान सिखरी आरोगे ।
९. गुवाल दरसण नं ई । श्री ठाकुर पकवान आरोगे ।
१०. सेन<sup>४</sup> आरती हुवै । दरसण सीयाते<sup>५</sup> हुवै छै ने उन्हाले<sup>६</sup> नहीं हुव तों । श्री ठाकुर दूध भात खीर आरोगे ।

इये जिनस श्री ठाकुरां नुं दस बखत भोग लागे छै । ने दरसण बखत आठ<sup>७</sup> (८) हुवै छै । आरती ४ हुवै, १ मंगला, १ राज भोग, १ संख्या, १ सेन । पछै श्री ठाकुर पौढ़े-ताहरा ठोडा ४ ढोलिया बिछाड़ी जै, पाथरी<sup>८</sup> जे, पाणी जल रो भारी भर राखी जे छै । श्री नाथ जी रे गांया हजार ३ त (था) ३॥ छै, भैस्यां सत ५ हेक<sup>९</sup> छै । रोजांनो खर्च रुपया ४०) हेक रो छै ।

श्री नाथ परकमा – श्री नाथ जी री परकमा श्री गोवरधन परबत दोली बड़ी परकमा कोस ८ (आठ) तथा ३ (नव) री छै परकमा माहै इतरा<sup>१०</sup> तीरथ कुण्ड छै । इतरा श्री ठाकुरां रा दरसण छै ।

१. श्री महादेव जी रंगेस्वर गोरा पारबती संमेत । मूरत दिव्य छै । श्री गोवर्धन पर्वत उपर । श्री नाथ जी रे मन्दिर रे डावे<sup>११</sup> पासे देहरो छै । अद्भुत मूरत छै । परकमा माहै ।

१. श्रीदाणाराय जी रो देहरो जठे<sup>१२</sup> ठाकुरां गोरस रो दाणं लियो छै, तठै छतड़ी २ छै । घाटी छै ऊपर देहरो ।

२. मांनसी—गंगा स्नान कीजे, ने ब्रिहम कुण्ड स्नान कीजे । ऊपर ठाकुर दुवारा ३ छै ताहरा दरसण ।

१. श्री हरिदेव जी रो आद<sup>१३</sup> मूरत । अद्भुत श्री नाथ जी सरीखी<sup>१४</sup> छै । देहरो बड़ो छै । कछवाहा रो करायो ।

२. मांणसी-गंगा ब्रह्म कुण्ड ऊपर ।

(१) श्री केसोराय जी रो देहरो ।

१. बढिया । २. भरपूर बढिया । ३. शाक । ४. रायन । ५. शीतकाल । ६. ग्रीष्म-काल । ७. भोग को छोड़कर । ८. बिछाना । ९. अनुमान । १०. इतने । ११. वांयाँ । १२. जहाँ । १३. प्राचीन, आदि रूप । १४. समान ।

(२) श्री रसकनाथ जी रो देहरो ।

राधाकुण्ड, किसन कुण्ड २ बड़ा कुण्ड छै । बड़ी मेहमा छै । उठे सनान कीजे छै । उपर श्री राधाकिसन जी रो देहरो छै, दरसन कीजे, उपर कुंज घणा छै । बड़ी मेहमा कुण्डा री । काती बदी ६ री छै । काती वद ६ आदमी लाखां बन्ध जात आवे छै ।

श्री बलदेव जी रो देहरो ने संकरसन कुण्ड सनान कीजे ऊपर श्री महादेव जी रो पण<sup>१</sup> देहरो छै । श्री गोवद देव जी रो देहरो, श्री ठाकुरों रो दरसन ने गोवद कुण्ड सनान कीजे । अजायब ठोड़ छै । सोनो मण इठे दान कीजे । अपछर कुण्ड सनान कीजे ।

१. सुरही-कुण्ड सनान कीजे ।

इन्द्र रो गरभ गालियो<sup>२</sup> पछे, इन्द्र श्री ठाकुरो कने<sup>३</sup> आयो, उवा ठौर अद्भुत छै । इतरा अहेनाण<sup>४</sup> सांबता<sup>५</sup> छै ।

श्री ठाकुर जिके<sup>६</sup> सिला ऊपर बंठा हुंता, सु<sup>७</sup> सिला श्री ठाकुरां रो चरण १ बरस ७ तथा ८ (आठ) रे बालक हुवे, तिसड़ो<sup>८</sup> ।

इन्द्र रो खड़ावे<sup>९</sup> रो पग, हेके पग तणे अस्तुत<sup>१०</sup> कीवी छै ।

इन्द्र रे हाथी अंरावत रा पग २ ।

कामधेनु गाय रा खुर २ ।

सुंदुर सिला,<sup>११</sup> जठे<sup>१२</sup> गोपीयो रे संगार नुं सुंदुर जो इजे<sup>१३</sup> पछै सिला म्हा<sup>१४</sup> पैदा कियो । सुं सिला म्हा सुंदुर रो रंग नीसरे<sup>१५</sup> छै ।

गोरधन पूजा बल इन्द्र नुं दीज<sup>१६</sup> तो सुं श्री ठाकुरां लीयो ।

इये जिनस परवत दोली<sup>१७</sup> परकंमा, ते मांहे अे तीरथ दरसन छै ।

मथुरा—श्री मथुरा मांहे इतरा ठोड़ा तो अद्भुत छै ।

१ श्री जमना जी घाट सनानकर भद्र<sup>१८</sup> हुई जे । बीच बिसरायत घाट छै ने पसवाड़े २ घाट, २४ बीजा छै । बीच मदनायक बिसरायत घाट छै । कंस मारन श्री ठाकुरां बिसराम लीयो ते बिसरायत कहाणी<sup>१९</sup> । बीजाई<sup>२०</sup> घाटा २४ रा ही नाम छै पण सिरो बिसराय<sup>२१</sup> ।

१. श्री ठाकुर दुवारा सं० १७१३ आसोज सुद १५ दरसन कीयो ।

१. श्री केसोराय जी रो बड़ो दुवारो अद्भुत छै । बीच ! ठाकुर श्री मथरामल जी छै । जीवणे<sup>२२</sup> पासे श्री केसोराय जी छै, डावे<sup>२३</sup> पासे श्री कल्याण राज जी छै । पण<sup>२४</sup> देहरो केसोराय जी रो कहावे । पाइदीये राजा वरसंगदे रो ।

२. श्री रुधमाथ जी ठोड़ें<sup>२५</sup> २ दुवारा छै । सिखर बघ छै ।

१. भी । २. गला । ३. पास । ४. चिह्न । ५. सावत, पूरे रूप में विद्यमान । ६. जिस । ७. वही । ८. वैसा । ९. खड़ाऊ । १०. स्तुति । ११. सिन्दूर । १२. जहाँ । १३. देखना । १४. में । १५. निकलता है । १६. नहीं दी । १७. चारों ओर । १८. सिर-मुंडन । १९. कहा गया । २०. अन्य भी । २१. भूल गया । २२. दाहिनी ओर । २३. बाँयी । २४. पर । २५. स्थान पर ।

- १ मंदिर छै । बोहत अद्भुत श्री ठाकुर बिराजे छै ।  
 १ नरसंघ जी दुवारो बोहत अद्भुत मूरत छै ।  
 १ श्री ठाकर, देवकी, वसदेव, जसोदानन्द, रो पाड़ से ५ सरब छै ।  
 १ श्री सांवलो जी ।  
 १ बीजा मंदर ठोड़ा १० हेक तो श्री ठाकुरा रा दरसण कीया ।

× × ×

- १ श्री महादेव जी भूतेस्वर अद्भुत देहरो छे ने दरसण छै ।  
 १ श्री महादेव जी भवानीसंकर अद्भुत छै ।  
 १ श्री महादेव जी गोकर्नेस अद्भुत मूरत दिव<sup>१</sup> छै ।  
 इछना<sup>२</sup> रो पुंरणहार, किसन गंगा उपर देहरो छै ।  
 १ बीजा ही महादेव जी ठोडा ५ तथा ७ दरसण कीया ।  
 १ देवी जी महा विद्या विद्याधरी बड़ी मेहमा छै ।  
 इये जंनस<sup>३</sup> श्री मथरा जी रो मेहमा, दरसण छै संखेप सा मांडीया<sup>४</sup> छै ।

× × ×

- १ अकरूर घाट संनान कीजे ।  
 १ श्री गोपीनाथ जी रो दुवारो, अकरूर घाट उपर मुहते मदसुदन जी रो करायो  
 श्री ठाकर अद्भुत मूरत छै ।

× × ×

तीरथ गुर श्री मथरा जी माहे पूज्य गोपाल जी कचरेजी रा छोर, दुवारो  
 चोबे हरचन्द जे वृन्द रो छै ।

वृन्दावन—श्री वृन्दावन तीरथ ढोडांरी मेहमा ।

- १ श्री कालिन्दी संनान जठे कालो नाग नाथीयो<sup>५</sup> तठै ।  
 १ चीर घाट संनान ।  
 १ केसी घाट संनान ।  
 १ ब्रिह्मन कुण्ड संनान ।

इतरा<sup>६</sup> श्री ठाकुरां रा दरसण कीया ।

- |                    |                           |
|--------------------|---------------------------|
| १ श्री मदन मोहन जी | १ श्री गोवंद देव जी       |
| १ ,, राधा वलभ जी   | १ ,, बांको बिहारी जी      |
| १ ,, गोपी नाथ जी   | १ ,, जोड़ी ठाकुर जी       |
| १ ,, राधा माधव जी  | १ ,, किसोर किसोरी जी      |
| १ ,, राधा किसन जी  | १ ,, व्यास जी रा ठाकुर जी |
| १ ,, राधा रमण जी   | १ ,, नरसिंघजी             |
| १ ,, राधा मोहन जी  | १ ,, रसक रसीलो जी         |

१. दिव्य । २. इच्छा । ३. वस्तुएँ । ४. लिखा गया । ५. नाथ डाल के दमन किया ।  
 ६. इतने ।

१ श्री गोपी बल्लभ जी	१ श्री चकोर चकोरी जी
१ ,, चिकंनिया ठाकुर	१ ,, मुरली मनोहर जी
१ ,, गोपी बल्लभ जी	१ ,, चीर बिहारी जी
१ ,, रसक नाथ जी	१ ,, कुंज बिहारी जी
१ ,, काली मरदन जी	१ ,, वन्द्रावन चन्द जी
१ ,, महादेव जी गोपेश्वर	१ ,, जुगल किसोर जी
१ ,, वन्द्रा देवी	

१. वंशीवट श्री गोपेश्वर महादेव कनै, १. श्री ठाकुरं रा दरसण ५ तथा  
कुंजा माहे फिरिया दरसण किया । ७ बीजाई<sup>१</sup> कीया । सुं नाम चीत<sup>२</sup> नावें ।  
बड़ी ठोड़ छै श्री ठाकुरां रो नित-बासो<sup>३</sup> उठे<sup>४</sup> छै हीज ।

×

×

×

गोकुल जी—श्री गोकुल जी ठोड़ा मेहमा ।

१ जसोदा घाट संनान ।

१ ठकुराणी घाट संनान ।

गोकुल—श्री गोकुल जी परे कोसे ४ हेके श्री देवी जी रा देहरा ।

१ बंदी देवी जी ।

१ आणंदी देवी जी ।

श्री गुसाईं जी रे श्री ठाकुर दुवारा दरसण कीया—

१ श्री नवनीत राय जी

१ श्री मथरा नाथ जी

१ श्री गोकुल चन्द जी

१ श्री दुवारका नाथ जी

१ श्री गोकुल नाथ जी

१ श्री कल्याण राय जी

श्री गंगा जी सोरम घाट तीरथ सं० १७१३ काती बदी ८ पोहता । तीरथ  
गुरु प्रा० वंनमाली जग नाथांणी छै । पूज्य गोपाल जी नर संघ सं० १६८५ गया  
हुंता<sup>५</sup>, तद<sup>६</sup> कीयो थो । पछे<sup>७</sup> चि० हर जी ई सं० १७०१ गया हुंता ।

श्री गंगा जी सोरम घाट मेहमा<sup>८</sup> अथक है ।

१ चक्रघाट संनान नित हुवै । उठे<sup>९</sup> भद्र<sup>१०</sup> हुई जे उवे<sup>११</sup> ठोड़ी ।

×

×

×

बीजा घाट ११ छै, मेहमा उवाई<sup>१२</sup> घाटा रा छै संनान री ।

१ सूरज घाट

१ गऊ घाट उठे अस्त<sup>१३</sup> पड़वाई जै

१ कुडल घाट

१ ब्रह्म घाट

१

१ भैरव भाफ घाट

१ रणमोचन घाट

१ भगीरथी री पीपली—कोस १॥ हेके छै ।

१ पापमोचन घाट

१ बुठ गंगा भागीरथ री पीपली कहे छै ।

१ कुडल बीजोई । उठे संनान कीजै ।

१ रूप घाट ।

१. अन्य भी । २. स्मरण नहीं हो रहा है । ३. नित्य रहना । ४. वहाँ । ५. थे । ६. तब ।  
७. पीछे । ८. महिमा । ९. वहाँ । १०. शिर मुंडन । ११. उसी स्थान । १२. कहीं । १३. प्रक्षेपन ।